



SIUMUT INATSISARTUNI ILAASORTAATITAT

9. november 2012

Inatsisartut suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara:

Pisortanit ikiorsiissutit pillugit peqqussut tunngavigalugu innuttaasup qinnuteqartup qinnuteqaataa naliliivigineqassatillugu qinnuteqartup ukiut siuliini aningaasatigut isertitarisimasai nalilersuinermi apeqqaasarnerlutik?

(Malik Berthelsen, Siumut)

Tunngavilersuut:

Ataasiarnanga saaffigineqartarpunga suliuaannarsimagaluarlutik arlaatigut pissutissaqavillutik sulisinnaajunnaarnerminni, imminnut ilaqtaminnullu pilersuisinnaajunnaarnertik pissutigalugu pisortanit ikiorneqarnissaminnik saaffiginnissimagaluarlutik itigartinneqartarsimasunit, ukiunngooq siuliini isertitaqarpallaarsimanertik pissutigalugu. Ilumut taamaattussaanerluni.

Tassami 'Pisortanit ikiorsiissutit pillugit Inatsisartut peqqussutaat nr. 15, 20. november 2006-imeersoq'-mi §3 erseqqilluinnartumik ima allassimavoq: "Kinaluunniit Kalaallit Nunaanniittoq tassangaannartumik pisariaqavissumik pissaaleqilernerme pisortanit ikiorserneqartussaataavoq, tamatumani imminut ilaqtaminnullu pilersuisinnaanngikkuni".